



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԱԶԳ. Վ. ԵՒ Ա. ՇԱՄԼԵԱՆ ՎԱՐԺԱՐԱՆԻ ԱՄԱՐՏԱԿԱՆ ԿԱՐԳԻ ԱՇԱԿԵՐՏՆԵՐԸ ԱԶԳԱՅԻՆ ԱՌԱՋՆՈՐԴԱՐԱՆ ԱՅՑԵԼԵՑԻՆ

Հաւատարիմ մնալով վերջին տարիներուն հաստատուած գեղեցիկ աւանդութեան, Ազգ. Վահան եւ Անուշ Շամլեան վարժարանի տնօրէնութիւնն ու ուսուցիչները Չորեքշաբթի, 19 Մայիսի առաւօտուն Ազգային Առաջնորդարան առաջնորդեցին վարժարանի աւարտական դասարանի աշակերտները, որոնք ընդունուեցան Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի եւ հոգեւոր հայրերու կողմէ, ունեցան աղօթքի ու մշակոյթի պահ մը եւ դպրոց վերադարձան յիշատակելի պահ մը ապրած ըլլալու զգացումով:

Աւելի քան 50 աշակերտներ, ընկերակցութեամբ վարժարանի տնօրէն Տիար Վազգէն Մատենլեանի, փոխ տնօրէն Տիկին Ռիթա Գաբրիէլեանի, հայրերի ուսուցիչներու եւ խումբ մը ծնողներու, Ազգ. Առաջնորդարան հասան ժամը 9ԷՆ առաջ: Առաջնորդ Սրբազանին կողքին, աշակերտները դիմաւորեցին Ս. Աստուածածին եկեղեցւոյ հոգեւոր հովիւներէն Արժ. Տ. Վազգէն քիւյ. Աթմաճեան եւ Տ. կոմիտաս քիւյ. Թորոսեան, որոնք Նաեւ իրենց ուսուցիչներն են: «Ս. Տրդատ եւ Ս. Աշխէն» մարտրան մէջ տեղի ունեցաւ աղօթքի պահ մը, որուն աւարտին, աշակերտները, դաստիարակներն ու ծնողները Ս. Հաղորդութիւն ստացան Առաջնորդ Սրբազանին ձեռամբ:

Նախաճաշի պահ մը բոլորելէ ետք, աշակերտներն ու ընկերակից հիւրերը համախմբուեցան «Տիգրան եւ Չարուհի Տեր Ղազարեան» սրահին մէջ, ուր աշակերտները երկու տեսակի Նուէր հրամցուցին Առաջնորդ Սրբազանին ու ներկաներուն: Առաջին Նուէրը՝ գեղարուեստական յայտագիր մըն էր, որ կազմուած էր երկու խմբային արտասանութենէ եւ դաշնակի վրայ մէկ կատարումէ: Աշակերտները Նաեւ գեղեցիկ յուշանուէր մը բերած էին Առաջնորդ Սրբազանին:

Հանդիսավարութիւնը յանձն առած էին աշակերտները: Անոնք շնորհակալութեան խօսք ուղղեցին Առաջնորդ Սրբազանին, որ ոչ միայն այս առիթով ընդունած է գիրենք, այլ Նաեւ վայելած են անոր հովանին ու այցելութիւնները՝ վարժարանին աշակերտելու իրենց տարիներուն: Անոնք անդրադարձան վերջերս Հայաստան իրենց ուխտագնացութենէն քաղուած տպաւորութիւններուն ու արտայայտեցին հայ դպրոցին իրենց հաւատարմութիւնը անխախտ պահելու յանձնառութիւնը:

Հակիրճ խօսք մը արտասանեց վարժարանին տնօրէնը, որ գոհունակութիւն արտայայտեց անարտական դասարանին իրագործումներուն համար ու մաղթեց, որ վարժարանի յարկէն հեռանալէ ետք, անոնք մնան կրթական այս օճախին մօտիկ:

Օրհնութեան ու բարեմաղթութեան խօսք ուղղեց նաեւ Առաջնորդ Սրբազանը: Ան ողջունեց աշակերտները, տնօրէնութիւնն ու դաստիարակները, վեր առաւ հայկական կրթօճախին իւրայատկութիւնը եւ գոհունակութեամբ ու դրուատիքով խօսեցաւ աշակերտներուն ներկայացուցած յայտագիրին մասին: Առաջնորդ Սրբազանը կանգ առաւ հայկական ուսումնարանի իւրայատուկ դերին ու մթնոլորտին վրայ, որոնք իբրեւ բարիք կը բաշխուին հայ աշակերտներուն, օրհնեց վաստակը հայ դաստիարակներուն ու ծնողներուն, ու մաղթեց, որ այս կրթարանի յարկին տակ աշակերտներուն փոխանցուած ոգեղէն հարստութիւնները անոնց հետ մնան ընդմիշտ:

Հրաժեշտէն առաջ, Առաջնորդ Սրբազանը յուշանուէրներ յանձնեց աշակերտներուն, ապա, աշակերտներն ու դաստիարակները խմբային լուսանկար մը ունեցան Ազգ. Առաջնորդարանի մատուռին առջեւ:

VAHAN & ANOUSH CHAMLIAN GRADUATING CLASS VISITS THE PRELACY

On Wednesday, May 19th, 2010, H.E. Archbishop Moushegh Mardirossian, Prelate, welcomed to the Prelacy the graduating class of Vahan and Anoush Chamlian School. The more than 50 students were accompanied by Principal Mr. Vazken Madenlian, Vice-Principal Mrs. Rita Kaprielian, Armenian teachers, and parents. The students were welcomed by the Prelate, and St. Mary's Church pastors Reverend Fathers Vazken Atmajian and Gomidas Torossian, who also teach at the school.

Upon their arrival the students were led to the "St. Dertad and St. Ashkhen" Chapel for a prayer service, after which they received Holy Communion from the Prelate.

After breakfast, the students assembled at the "Dikran and Zarouhie Der Ghazarian" Hall where they performed a cultural program consisting of recitations and a musical piece on the piano, after which they presented the Prelate with a gift.

The students conveyed their thanks to the Prelate for welcoming them to the Prelacy on this and previous occasions, and for his care and guidance throughout the years.

Mr. Madenlian expressed his joy and pride at the achievements of the graduating class, and his hope that they maintain their ties and bonds to the school after graduation.

In his address to the students, administrators, and parents, the Prelate exalted the role of the Armenian School and the values it imparts to our students. He blessed the administrators and parents for their role in the educating of our youth and expressed his hope to the students that the values

and principals they have learned thus far will remain a part of them always. The visit concluded with the Prelate presenting the students with mementos and a group photo.